

9-րդ շաբաթ

Թեմա՝ «Համալսարան և համալսարանական կյանք»

Ա. Ստորև տրված հարցերի օգնությամբ կառուցել 5-10 թույլ տևողությամբ բանավոր տեքստ և ներկայացնել այն լսարանին:

Հարցեր՝

1. Ի՞նչ համալսարաններ կան ձեր երկրում:
2. Ո՞ր համալսարանում եք սովորել կամ սովորում:
3. Որտե՞ղ է ձեր համալսարանը:
4. Ի՞նչ բաժիններ կան ձեր համալսարանում:
5. Ո՞ր բաժիններն են հայտնի իրենց լավ համբավով:
6. Ի՞նչ տարբերություններ կան ձեր և մյուս համալսարանների միջև:
7. Ինչպե՞ս է կազմակերպվում ուսանողական կյանքը ձեր համալսարանում:
8. Ի՞նչ թերություններ ունի ձեր համալսարանը կամ բաժինը:
9. Ի՞նչը կփոխեիք և ինչպե՞ս:
10. Աշխարհի ո՞ր համալսարանում կուզեիք սովորել և ինչու՞:

Տեքստ կազմելիս ըստ ցանկության օգտվել առաջարկվող բառերից, բառակապակցություններից և այլ արտահայտություններից:

Կիրառելի բառեր և արտահայտություններ`

Ֆակուլտետ	դասախոսական կազմ
բաժին	ուսանողություն
ամբիոն	կրթության մակարդակ
մասնագիտություն	ուսումնական մեթոդներ
ծրագիր	մարդկային հարաբերություններ
բակալավրիատ	ժամանց
մագիստրատուրա	աշխատանքի հնարավորություններ
ասպիրանտուրա	հեղինակավոր համալսարաններ

Բ. Յուրաքանչյուր ուսանողի ներկայացրած տեքստի հիման վրա, այլ տեղեկություններ ստանալու կամ տրված տեղեկությունը ճշգրտելու նպատակով տալ և ստանալ լրացուցիչ հարցեր` երկխոսելով մյուս ուսանողների հետ:

Բնագրի նմուշ 1`

Ուսանողական տարիները մարդու կենսագործունեության ամենաակտիվ և ամենահետաքրքիր ժամանակաշրջանն է: Ուսանողը ձեռք է բերում բարձրագույն կրթություն, մասնագիտություն, նոր ծանոթություններ և ընկերներ, շփվում է տարբեր և հետաքրքիր մարդկանց հետ, կատարում ինքնուրույն քայլեր և ըստ իր նախասիրությունների` կազմակերպում է իր ժամանցը: Այս անփոխարինելի տարիները թողնում են անջնջելի հետք` ուսանողին նախապատրաստելով կյանքի տարբեր մարտահրավերներին: Ուսանողական տարիների արդյունավետ և բազմաբովանդակ կազմակերպումը կախված է մի շարք հանգամանքներից, որոնցից

առաջինը ուսանողի լավ առաջադիմությունն է: Ուսանողական կյանքը միաժամանակ կարող է հարստացվել մի շարք այլ երևույթներով ու իրադարձություններով, երբ ուսանողը օգտվում է համալսարանի կողմից իրեն ընձեռնված հնարավորություններից, ցուցաբերում է ներհամալսարանական ակտիվ մասնակցություն:

Այս խնդրին է միտված ԵՊՀ-ում ուսանողական կառույցների համակարգը, որն ապահովում է ուսանողների արտալսարանային հարուստ և բազմազան առօրյան: Այն ընդգրկում է բոլոր նախաձեռնությունները, ծրագրերն ու միջոցառումները, որոնք կազմակերպվում են ուսումնական գործընթացից դուրս:

Համալսարանում գործում են տարբեր ուսանողական կառույցներ, մշակութային խմբեր, ակումբներ, ինչպես նաև վարչական ստորաբաժանումներ, որոնք զբաղվում են ուսանողական խնդիրներով:

Ուսանողների իրավունքների պաշտպանության, նրանց խնդիրների քննարկման և շահերի ներկայացման համար ԵՊՀ-ում գործում է սովորողների ինքնակառավարման, ընտրովի ներկայաց ուլցչական մարմին՝ Ուսանողական խորհուրդ: Ուսանողների գիտակա ն և հետազոտական աշխատանքները խթանելու և զարգացնելու նպատակով համալսարանում գործում է Ուսանողական գիտական ընկերություն: Այս երկու կառույցները համալսարանում գործող հիմնական ուսանողական կառույցներն են, որոնք ղեկավարվում են սովորողների կողմից և ապահովում են ուսանողների մասնակցությունը համալսարանի կառավարման գործընթացին:

Ուսանողական առօրյայի կազմակերպման, ուսանողների տարբեր կարիքների բացահայտման և խնդիրների լուծման գործընթացում ներգրավված են նաև վարչական օղակներ, որոնց արհեստավարժ անձնակազմը կոչված է ապահովել համապատասխան աշխատանքների որակն ու անընդհատությունը: ԵՊՀ ուսանողական կազմակերպությունների (ՈԻԽ, ՈԻԳԸ) և ռեկտորատի հետ համագործակցության աջակցության և մի շարք այլ ծրագրերի իրականացման նպատակով ԵՊՀ-ում գործում

Է Ուսանողների հետ տարվող աշխատանքների բաժինը: Մշակութային տարբեր միջոցառումների և տարբեր խմբերի աշխատանքների կազմակերպման, մշակութային դաստիարակության և այլ ծրագրերի իրականացման նպատակով համալսարանում գործում

Է Մշակույթի կենտրոնը: Շրջանավարտների և կարիերայի կենտրոնը կ ոչված Է բարձրացնել աշխատաշուկայում ուսանողների մրցունակությունը, նրանց փոխանցել տարբեր գործնական հմտություններ և գիտելիքներ և իրականացնել համապատասխան ծրագրեր: ...

Աղբյուր՝ <http://1course.yzu.am/%EF%BB%BF%EF%BB%BFնսանողական-կյանք/>